

Кому Республикаса челядьлы да томуловлы газет

6 +

# ЙОЛОГА

2018  
кӧч  
21-ӧд  
лун

38№  
(1271)

Ёртасьӧм – медся донатор  
4-5 л.б.

## ВОДЗМӨСТЧӨМ



# Ёртасьём — медся донатор

*Кавказын, Европа да Азия ӧтлаасыннын, меститчӧма нейджыд канму – Армения, вӧвлӧм советской республика, а ӧни ашӧр страна. Тайӧ лунвыв муас олӧ матӧ 3 миллион морт, но эм сэтчӧс войтыр, кодлӧн мӧд чужаніннас лои Войвыв – Коми Республика. Медым кутны вужьяскӧд топыд йитӧд, сӧрнитны ас кывйӧн, сӧвмӧдны да вуджӧдны челядьлы культура да традиция йылысь тӧдӧмлун, котыртӧма «Россияса армяналӧн союз», эм тайӧ ӧтмунӧмыслӧн и Коми юкӧн. Буретш сы бердын уна во чӧж нин уджалӧ томуловлӧн комитет.*

«Йӧлӧгалӧн» тайӧ петассянь кутам тӧдмӧдны лыддысьсысьясчӧс уна сикас национальностья том войтырлӧн котырьясӧн, кодьяс уджалӧны миян республикаын. А мыйӧн олӧ том армянаслӧн комитет – «Йӧлӧга» газеткӧд юкисны сэтчӧс водзмӧстчысьяс: «Аракс» йӧктан котырысь Лиана Месропян да Рубен Данелян, а сӧдзжӧ комитетӧн веськӧдлысь Саргис Хачатрян.

### Зумьд подув

Сыктывкарын олысь ичӧт армяна кыв да культура туялӧм-велӧдӧмын медводдза воськовъяс вӧчӧны вӧскреснӧй школайн на. Буретш татысь и петӧмаӧсь томуловлӧн комитетын кызвын водзмӧстчысьяс.

– Чужлі Сыктывкарын, и медым пыдгисяньджык велӧдны чужан кыв, сизим арӧсын пыри велӧдчыны вӧскреснӧй школаӧ. Семья костын армян кывным быглунья, а школайн эм поэянлун велӧдчыны мичаа сӧрнитны литературнӧй кывйӧн, пырӧдчыны историяӧ да культураӧ, – висьталӧ Лиана. – Ветлӧдлі сэтчӧ бура дыр, 14

арӧсӧдз. А кольӧм во вӧзйыси комитетӧ, кӧть и эз дзык пыр, но босьтісны жӧ, ӧни «Араксын» йӧкта.

Рубен тшӧтш ветлӧдлӧма вӧскреснӧй школаӧ, но чужан кыв да культура сӧвмӧдӧмын уджлысь,

ас войтыркӧд топыда ёртасьӧмлысь тӧдчанлунсӧ гӧгӧрвоӧма быдмыштӧм бӧрас нин.

– Чайта, мый кутны йитӧд ас культуракӧд – тайӧ коланатор, быд войтырлӧн ӧд эмӧсь алыспӧлӧс традицияс, бать-мам,





*пöль-пöчсянь вуджом тöдöмлун, индöгьяс. И кор сёрнитан, олан öтгудыр аскодгöмьдкöд, лöсьöдан и олөм вылö видзöдгастö, мый погулын — уна нэмся традиция да культура, — юксö видзöдласнас Рубен. — Вочасөн гөгөрвои, мый армяна меным матыссаöсь лов, сiгз шусяна менталитет сертиныс.*

Дерт, ставыс пансö семьясянь, гортаныс армяна сёрнитöны чужан кывнас, велöдöны пыдди пуктыны и кывсö, и традицияяс. А томулов тöдчöдöны, мый öта-мöдсö лыддöны ыджыд семьяөн, и ас водзаныс öнисянь пуктöны мог — отсавны сөвмыны ичөт-джыкъяслы. Быдмысь войтыр аддзö олöмысь, öтувезыйсь уна бурсö и лёксö, и налы колö пример, морт, код вылö видзöдöмөн кага вермас бөрйыны асьыс олан туй, велöдчыны торйöдны бурсö лёксыйс, овны кывкутöмөн.

#### **Аддзысьлөм-гаж да öтув удж**

Армяналөн ыджыд котыр нуöдö уна сикас мероприятие. Медыджыд татшөм аддзысьлөмнас лöоны «Армянскöй культура лунгьяс». Томуловлөн комитет пуктö гаж котыртöмö ыджыд пай, но, гашкö, медся ярьюгыдөн, тöдчанаөн лöоны «Аракс» йöктан котырлөн петкöдчöмгьясыс (Аракс — тайö Арменияын визуувтысь ю, канмуын медся кузыс). Енбиа томулов пуктöны уна вын, медым йöктöмыс вöлi збыльсь традиционнöй, видзöдöны видео, на подулын асьныс лöсьöдöны хореография.

Петкöдчöмгьяс сетöны позянлун паськöдны армяна олөм, история йылысь юөр, унджык йöзöс тöдмöдны тайö луныв муыслөн озыр культураөн.

#### **Медыджыд озырлун**

Комитетын быдөн вермас аддзыны ас окота серти нырвизь. Творчество кындзи томулов водзмöстчöны спортын, волонтерствоын, уджалöны комитет бердын и велöдан да юөр сетан юкөнгьяс.

Саргис Хачатрян юрнуöдö комитетөн кольмөвса сентябрьсянь, а таöдз пырöдчис котырлөн уджö кыдзи и мукöд ёртыс.

— Томулов пöвстын водзмöст-

*чысьыс уна, аддзысьлөмгьяс дырйи (а чукöртчылам ми быд шойччан лунö) ставныс пуктöны öтув уджö асьыныс пай, вöзйöны выль мөвпгьяс, отсалöны öта-мöдлы, — висьталö Саргис. — Комитетö пыр локтöны выль йöз, а найö, кодгьяс аддзисны асьыныс радейтана мортсö, лöсьöдöны семья — водзö муноны олөмöд, уджалöны, миянкöд йитöдгсö тиöтиш кутöны, волöны аддзысьлөмгьяс вылö.*

Тайö ёртасöмыс — ныв-зонгьяслы медся донатор, чукöртчөлөмгьясыс пö век шоныдöсь, аслыспөлос кыпыд руаось. Öтгудыр сьылөм-йöктöмөн кольöны и гаж нимлунгьяс, кафе-ресторанö ветлөмгьяс, кар кузя гулайтөм.

Армяна томулов, кыдзи и мукöд тшöтшгьяйс, велöдчöны да уджалöны, шойччöны, пырöдчöны общественнöй олөмö. Со, шуам, Рубен радейтö баскетбол да бокс, зильö пырöдчыны быдсикас образовательнöй форумö, уджалö баристаөн, а Лиана школаын велöдчөм кындзи сөвмөдö енбисö, радейтö бальнöй йöктөм, сьылö. А комитет сетö позянлун видлыны вын выль нырвизьын, велöдчыны пуктыны ас водзын моггьяс да пöртны найöс, тöдмасьны оз сöмын ас, но и уна мукöд национальность войтыркöд, пыдди пуктыны и асьтö, и мукöдос.

**Сёрнитис Мария ИГУШЕВА.**

**Снимкьясыс авторлөн да «Россия армяна союзлөн» Коми юкөнбергса томулов комитетлөн.**

